

ERiac ARTE THAJ KULTURA NEVIMASKO PROGRAMO

AKHARIPE PAL APLIKACIJE

INSTRUKCIJE ANDAR E APLIKANTURJA

O KERIPE KATAR LE ERiac-ESKO NEVIMASKO PROGRAMO PAL ARTE THAJ KULTURA¹

O mandato le Evropake Romane Institutosko pal Arte thaj Kultura (ERiac) si "te promovisarel e arte, kultura thaj edukacia sar jekh modo te kerel prinžarde e manušikane čačimata thaj o interkulturalo xakjaripe thaj kadja te marel pes kontra o anti-žipsismo thaj i diskriminacija le romengi ande Evropa thaj te barjaren pesko-respekto" (Statuto le ERiac-esko, art. 2.1).

Sar parpale phenipe ke phuvjako nasfalipe Kovid-19, savo dinjas dab zorales e romane arte thaj kultura, o ERiac mangel te zorjarel e romane manušen save keren kulturalo buki thaj te del žutimos pal kreativiteto, pal nevimasko spirito thaj personalo-zorjaripe.

Maškar e kulturalo inicijative, o programo si te del suporto te barjaren pes neve arte thaj kulturalo kontento, zorjarindos i produkcija le žanimatengi thaj žanimatengo transfero thaj te promovisarel pes o kreativiteto thaj o personalo-zorjaripe le romane artisturjengo, antreprenorjengo thaj kreatorjengo. Le ERiac-esko nevimasko programo mangel:

- te zorjarel o impakto pe lungo vrjama;
- te barjarel i inovacija, i invencija, o kreativiteto thaj o virtuožiteto le romane kreatorjengo;
- te kerel aktivo thaj te anel mobilizacija ande romani kulturalo scena, te kerel pes kreacija, te barjaren pes, te anen pes neve invencije thaj transformacija;
- te del vast i kolaboracija maškar e kulturalo domenurja, thema, identiteturja, murša-žuvlja thaj generacije, thaj vi, maškar i romani arta thaj kultura thaj e komunitetake agenturja;
- rodel e butimasko efekto kaj te aresele direkto vaj indirekto ke romane familije, komunitete thaj ke sasti societeta, vaj te kerel pes kontribucija ke aver romane inicijative kaj keren pes ande kado domeno.

Te šaj barjaras sar maj but o impakto kerdo katar o nevo kulturalo kontento thaj žanipe thaj te das len maj dur sar kolektivo resurse savende si akceso, o ERiac si te ovel i platforma kaj kerel distribucija, produkcija thaj promovacija pal e inicijative thaj lenge rezultaturja. Sar ko-kreatori thaj

¹ E ERiac-esko Nevimasko Fondo pal Arte thaj Kultura si dino vast katar e Putarde Societetake Fundacije(OSF) o Fondo pal Sigo Akcije Kovid19 kerdo sar Sigjarimasko Mekanismo te keras parpale akcija kontra le phuvjako nasfalipe. O ERiac kerdjas baxtali aplikacija ko Khetano Fondo le intencijasa te nevjaras thaj te das aver direktija amare butjake thaj te arakhas solucije ke probleme ande katar Kovid 19.

ko-produktori, o ERIAC si te thol e rezultaturja katar e žutisarde inicijative ande pesko internacionalo programo.

LE ERIAC-ESKO NEVIMASKO PROGRAMO PAL ARTE THAJ KULTURA INICIJATIVE

O ERIAC akharel orsave bukjarnen kaj keren buki ande arte thaj kultura produktorja, kreatorja, antreprenorja ande domenurja kaj si le ERIAC-es mandato (arte thaj kultura, media, žanimatengi-produkcija, historia thaj komemoracija) te keren aplikacija vaš le ERIAC-esko Nevimasko Programo. Entiteturja, institucije pal arte thaj kultura, kompanije, asociacie, artistikane kolektivurja si, sa kadja, zorjarde te keren aplikacija.

O programo si kerdo ande 3 KATEGORIE: ŽANDOS PAL DIGITALO KULTURA, ŽANDOS PAL ANTREPRENORIATO thaj ŽANDOS PAL GODJAVERIPE. Telal saki kategorija, e aplikanturja šaj te keren aplikacija te len, jekhvar, **maškar 2500 - 5000 evro**, pokinde sar transfero and-i banka. E inicijative si ažukerde te inkeren **3 - 6 čhona, astarindos andar i Juli 2020**.

1. ŽANDOS PAL DIGITALO KULTURA (Iniciativa)

Sar vi e gažikane arte thaj kultura si ande situacija te keren peske nevi invencija ando digitalo than, o ERIAC thaj leske projektoske partenerurja keren propozicija pal nevimaske artistikane thaj kulturalo parpalephenimata ke kadava nevo reliteto. Lindos samate o impakto pe lungo vrjama thaj sar parpalephenipe ke phuvjako trendo karing o digitalo than, o ERIAC mangel te del vast le romane entiteturjen thaj manušen kaj keren buki ande romane arte thaj kultura te nakhen karingo o digitalo than/ online. Ande kadaja kategorija o ERIAC si te žutisarel i produkcija katar neve arte thaj kultura (savore genurja: vizualo arte, animacija, filmo, performacijake arte etk.) Sar ilo kadale tranzicijako, o ERIAC del suporto te keren pes kontra-naracije vaš e ekstremisturja thaj vaš i propaganda kontra e roma. O kreativiteto, o kritično godisaripe thaj e romane arte si e anglune strategije le ERIAC-eske te marel pes le xoxajmatenca, le bimanušikanimasa, le došale informacijeca, thaj le xoxavne informacijenca pal e roma thaj partikularo pal e romnja.

Save inicijative šaj te oven žutisarde ande kadaja kategorija?

GELINDOS I KULTURA ONLINE

O ERIAC mangel te zorjarel o domeno le romane artengo thaj kulturako kerindos nevo kalitativno thaj inovativo kulturalo kontento thaj inkalindos inspiracionalo thaj zorale edukacionalo resurse vi andar e roma thaj vi andar e gaže. Kado modo si te del vast te keren pes neve artake thaj kulturake produkcije (savore kategorije: vizualo arte, animacije, filmo, performativo arte etk.) thaj sa kadja te organizisarel ekspozicije neve thaj virtualo phirimata. Ande kado modo o ERIAC zorjarel vi e kritično recenzije (prezentacije), teksturja, eseurja, kaj godisaren pal e akanutne romane arte thaj kultura thaj kuratorialo praktika.

KERINDOS KONTRA-NARACIJE - PARUVINDOS O BIKAMIPE VAŠ ARTE THAJ KULTURA

Ande pandemijako timpo e roma si dikhle sasti vrjama sar došale-buzne ando publikano diskurso thaj ande media ke gelen o viruso maj dur. O bikamimasko diskurso kontra e roma ande tradicionalo thaj online media barilo thaj o numero le xoxavne nevimatengo pal e roma vazdel pes. Te šaj paruvav i xoxavni infomacia thaj i bičači informacija, o ERIAC zorjarel e aplikanturjen te keren mediako,

žurnalistikano kontento te promovisaras thaj te das maj dur o autentiko mesažo thaj sa kadja, te das informacije e romane komunitetenge thaj vi e gaženge.

Save akcije si te oven alosarde:

- Kerindos jekh websito;
- Translacije thaj interpretacije;
- Digitalizacija;
- Te kinel pes tehnikano ekipamento savo žutisarel i buki online;
- Te kerel pes kontento pal arte thaj kultura kaj te šaj thol pes online;
- Te keren pes online ekspozicije/ ekšibicije;
- Te kerel pes žurnalistikano kontento andar i online media thaj offline media thaj vi andar i socialo media;
- Te kinel pes ekipamento savesa šaj kerel pes strimingo, lači fotografia thaj video;
- Te areses informacijaki sursa andar e romane komunitete;
- Te kides relevanto informacija;
- Etk.

2. ŽANDOS PAL ANTREPRENORIATO (Grantosko Programo khetanes le Inicijativasa pal o Barjaripe e Romane Antreprenoriatosko - REDI/ [Roma Entrepreneurship Development Initiative](#))

Soske e kreatorja pal e romane arte thaj kultura na si len formalo registracija, kerel kadale kulturalo produkatorjen te našti oven lile samate katar le guvernonge programurja kaj den suportu thaj emergencake love. Kado Grantosko Programo kerdo ande kooperacija le REDI-esa mangel te del vast, te sikavel thaj te mentorisarel le romen kaj keren informalo buki ande arte thaj kultura, te kerjon kulturalo antreprenorja. Ande kado modo, o ERIAC mangel te lokjarel e pharimata andar savende nakhen e maj but romane produkatorja artake thaj kulturake, save keren buki korkoro vaj ande informalo ekonomia.

Save inicijative šaj te oven žutisarde ande kadaja kategorija?

ANINDOS PERSONALO INKERIPE AND-I KULTURA

O ERIAC mangel te barjarel i rezilienca katar o sektoro le romane artengo thaj kulturako dindos vast pal i inovacia thaj o antreprenoriatu ande kado sektoro. Kadala projekturja si te žutisaren le romane bukjarnen ande arte thaj kultura te kerjon antreprenorja, žutisarindos te putaren formalo ekonomikani aktiviteta, te nakhaven e ekonomikane aktivitete ando online than, te keren thaj te lačharen peske produkturja thaj servisurja, te keren bisnisoske planurja thaj reklamake kampanije.

ANINDOS I KULTURA ANDO BISNISO

Te šaj žutisarel pes o keripe le romane bradurjengo thaj te phanden pes e antreprenorja ke romane komunitete sar konsumatorja, o ERIAC thaj o REDI si te den vast i participacija thaj e parteneriaturja

e romane artisturjenge thaj bisnisurjenge te barjaren dizajnurja, brandosko identiteto thaj mesažurja kaj anen romano barikanipe, kotorlipe thaj solidariteto.

Save akcije si te oven alosarde?

- te kerel pes formalo/ oficalo registracija le bisnisoski kaj te ovel les čači autorizacija;
- te kerel pes jekh plano bisnisosko;
- te kinel pes o tehnikano ekipamento kaj trebal;
- te kerel pes dizajno thaj brendingo;
- te kerel pes jekh šopo online vaj te promovisaren pes servisurja/ produkturja online;
- reklamenge kampanie;
- Etk.

3. ŽANDOS PAL GODJAVERIPE (Inicijativa)

O ERIAC mangel te del avri barvalimaske thaj zorjarimaske edukacionalo resurse vaš e roma thaj gaže, kerindos žanimatengi-produkcija thaj žanimatengo-transfero. Telal kadaja kategorija, O ERIAC si te del vast e inicijative kaj anen neve žanimata maškar inovativo rodipe, specialo kodo kaj lel samate e bukja phangle k-o romano identiteto, kultura, historia thaj barvalipe. ŽANDOS PAL GODJAVERIPE si te žutisarel vi o keripe le metodologiengo kaj den maj dur žanimata kerde katar e roma thaj o keripe le materialurjengo pal o romano identiteto andar formalo thaj biformalo edukacija. O ERIAC zorjarel e lectures, e kritično dikhimata, e teksturja thaj e eseurja save len samate e romane akanutne arte thaj kultura thaj identiteto. ŽANDOS PAL GODJAVERIPE si kerdo ando parteneriato le Romane Edukacijake Fondosa (REF) thaj le Centralo Evropake Universitetasa (CEU) te dikhen neve ideje thaj inovativo instrumenti, te den pes avri edukacionalo thaj identitetake resurse save zorjaren o phandipe k-o romanipe.

Save inicijative šaj te oven žutisarde ande kadaja kategorija?

KARING E ROMANI ONLINE UNIVERSITETA

O ERIAC si te aresel i platforma vaš i ROMANI ŠKOLA - jekh Universiteta Online. I Romani Škola si te anel kalitativno edukacionalo materialurja thaj resurse, lindos samate i romani identiteta, arte, kultura thaj historia. O kontento kaj kerel pes telal kadaja kategorija si te anel o barjaripe le Kurikulako pal romane arte thaj kultura, putardi e romenge thaj vi e gaženge. Te anas kompensacija k-o fakto ke na-i akceso ande formalo škole, o ERIAC si te aresel jekh platforma andar i nevi škola le romengi, zorjarindos o identiteto thaj anindos vizibilitoto le kulturalo produktorjenge. Ando formato si te ovel: klase, tutorialurja, akademikane lekcje, oralo historia thaj divertimento.

ZORJARIFE E ROMANE IDENTITETAKO - RESURSENGO CENTRO VAŠ ROMANE ARTE THAJ KULTURA

O ERIAC khelel jekh rolo te gelel maj dur o mesažo le pakivako thaj o xakjaripe le phanglimasko ke romane komunitete. Ande kado gindo, o ERIAC dela vast te barjarel pes o rodipe, o žanipe thaj instrumenti save len samate o simbolismo, o solidariteto thaj i kooperacija maškar e roma ande sasti Evropa.

Zorjarindos o siklipe le romane čhibako thaj lako barjaripe, o keripe neve historiako, arte thaj kultura, žanimatengi kultura thaj simbolismo thaj sa kadja komemoracijake praktike si, pašal aver bukja, te anel kontribucija te vazdel pes le Resursengo Centro pal Romane Arte thaj Kultura savo si te ovel sikavdo ando Romano Digitalo Muzeo thaj ande Romani Online Universiteta.

Save akcije si te oven alosarde?

- Rodimatenge projekturja save anen koncepturja ande romane arte thaj kultura;
- O kinipe le ekipamenturjengo te šaj lel pes kotor ke online klase, sar eksempla te kinel pes jekh komputero vaj te pokinel pes akceso k-o interneto;
- O keripe le klasengo online, o keripe le kurikulumsko pal e romane arte thaj kultura, lekcije;
- O barjaripe vaj o vazdipe le simbolismosko pal i romani identiteta;
- O kidipe thaj i propozicija le romane kulturalo barvalimasko;
- Online komemoracije;
- Keripe školake lilengo, kurikule;
- Kreativno xramosaripe thaj publikacije;
- Etk.

Kalendaro

20-to Majo 2020 - Del pes avri o Akharipe vaš e Aplikacije

10-to Juni 2020 - Palutno dives te bišalen pes e aplikacije

25-to Juni 2020 - Phenel pes save inicijative (projekturja) sas alosarde

1-to Juli 2020 - E inicijative astaren (e projekturja trebal te inkeren 3 - 6 čhona)

Alosarimaske kriterie

Savore kandidaturja andar i romani komuniteta si akharde te keren aplikacije, šaj te ovel len orsavo nacionaliteto, them kaj živen, geno, dizabiliteto, prandemasko vaj dadengo statuso, berša, religija, patjape vaj seksualo orientacija.

Mangel pes savore aplikanturjenge te oven aktivo kotributorja ke romane arte thaj kultura, save si ande 4 tematikane sekcije le ERIAC-eske bukjake (arte thaj kultura; media; žanimatengi produkcija; historia thaj komemoracija). Muzikanturja, atisturja, performerja, artizanurja, filmsoskekerditorja, medijake profesionisturja, kuratorja, edukatorja thaj roditorja, dizajnerja thaj aver si akharde te keren aplikacija. Kompanie pal romane arte thaj kultura (theatro, bande etk.), biformalo artistikane kolektivurja, biprofitoske entiteturja thaj kulturalo antreprenorja si, sa kadja, zorjarde te keren aplikacija.

E manuša kaj si le ERIAC-eske membrurja thaj vi kodola kaj na si membrurja šaj te keren aplikacija. Orsar, e Alosarimasko Komiteto si te del prioriteto kodolenge kaj si akana membrurja le ERIAC-eske thaj save pokinde peski kontribucia. E manuša kaj na si membrurja le ERIAC-eske si akharde te keren aplikacija k-o ERIAC-esko membrosipe ([ERiac memberšip](#)) thaj te respektisaren e kontribuciako principo ([principle of contribution](#)).

E aplikacije kaj na len samate savore kriterje phende maj opre na-i te oven akceptisarde.

Sar te keren aplikacija?

Anglal te pheren i aplikacijaki forma, e aplikanturja si akharde te drabaren e INSTRUKCIJAKE dokumenturja.

Savore kandidaturja trebal te pheren i APLIKACIJAKI FORMA kaj si online thaj te thon jekhe thaneste pesko akanutno profesionalo CV (maksimalo 3 papira). I aplikacija si te mangel:

- Tikni deskripcija pal le aplikantoski trajektorja (drom) ande arte thaj kultura (maks. 500 alava);
- Buxli deskripcija pal i inicijativa kaj si les ando plano (e aplikanturja trebal te phenen klaro ande savi kategorija keren i aplikacija), sikavindos sar si te keren pokinimata te šaj pheren e objektorja le Inicijative. Ando kazo kana i propozisardi inicijativa nakhel ande maj but de jekh kategorija, o aplikanto trebal te alosarel i anglutni kategorija thaj te del eksplikacija ande savo modo phandel pes vi ke aver kategorije.
- Motivacijako lil ande saveste te sikaves soske tu pakjas kaj o ERIAC trebal te žutisarel tiri ideja (maks. 500 alava);

Aver informacija, sar si e portofolurja, eksemplurja andar tiri buki, aver dokumenturja kaj šaj anen suportu, šaj te oven astarde/ phangle online.

I aplikacija šaj kerel pes anglikanes thaj/ vaj romanos.

I online aplikacija šaj te ovel bišaldi online p-o websito le ERIAC-esko, maškar o 20-to Majo thaj 10-to Juni, 2020. E aplikacije kaj aven palal kadaja data, na-i te oven lile samate.

Te si tumen pučimata, rugisaras tumen te roden o ERIAC p-o email: eriac@eriac.org thaj te xamosaren k-o subijekto: **ERiac Innovation Program.**

SELEKCIJAKO PROCESO

Selekcijako komiteto

E Selekcijako Komiteto si te ovel kerdo andar 7 membrurja:

- 5 Membrurja andar le ERIAC-eski Barvalipe Akademia, jekh delegato andar svaki tematikani sekcija + o Serutno katar e Barvalipe Akademia

- 2 Membrurja andar o Bordo le ERIAC-esko

- Andar e kategorie kaj so i REF thaj CEU (ŽANDOS PAL GODJAVERIPE) thaj kaj si REDI (ŽANDOS PAL ANTREPENORIATO) jekh delegato katar sako entiteto šaj te ovel ande selekcijako komiteto.

Sol duj ERIAC-eske bordurja si te len andrutni decizija thaj te delegin peske reprezentanturja ande Selekcijako Komiteto.

O Ekzekutivo managemento le ERIAC-esko na-i te ovel ande Selekcijako Komiteto. O managemento le ERIAC-esko si te ovel les i funkcija sar sekretariato, si te kidel i informacija, kerel angluno kontrolo kana e aplikacije si lače thaj kompleto.

E ERIAC-eske Bordoske Membrurja, o Managemento, o stafo thaj e membrurja andar e Barvalipe Akademia našti keren aplikacije.

Selekcijako Protokolo

O Managemento le ERIAC-esko si te kidel savore lače aplikacije, kerindos o anglutno kontrolo te dikhel kana e aplikacije si lače thaj kana sovore dokumenti si andre. Te trebala maj but informacije, o manažemento le ERIAC-esko si te mangel maj but materialurja vaj si te keren interviurja.

1. Savore lače aplikacije, pe svaki kategorija, si te oven thode ande jekh khetano servero te šaj te oven dikhle katar le Selekcijako Komiteto. Le Komitetoske Membrurja si akharde te drabaren savore aplikacije.

2. Le Selekcijako Komiteto si te arakhel pes online te den дума pal i selekcija le aplikacijengi. I decizia si te lel pes pe jekh alosarimaski platforma (alosarimaski opcija ando ZOOM) kaj mekel te keres bižanglo voto po than. Jekh numero fikso aplikacijego pe saki kategorija si te oven financirime. Ando kazo kana si jekhipe, si te ovel jekh diskusia maškar e membrurja.

3. E inicijative kaj si te len love katar e ERIAC-esko Nevimasko Programo si te oven thode online.

Selekcijake kriterie

E aplikanturja si te oven alosarde pe baza le kompeticijaki, thaj krisarde pal i relevanca lenge aplikacijaki, o kaliteto le inicijativako thaj o originaliteto katar lengi propozicija. E Selekcijako Komiteto si te lel partikularno samate:

- šajpe kaj o projekto te ovel les impakto pe lungo vrjama;
- maškardisciplinarno inicijative kaj nakhen opral e granice le artake genurjenge thaj kulturalo sfere;
- originalo ideje kaj save phanden thaj keren buki ande maj but tematikane sekcije le ERIAC-eske;
- Kolaborativo projekturja save zorjaren i kooperacija maškar thema thaj verver romane grupenge identiteturja thaj kaj zorjaren o solidariteto maškar e etnie;
- inovacija, barožanipe, kreativiteto thaj originaliteto le propozicijako;
- Butimasko efekto kaj anel benefito direkto vaj indirekto ande romane familie, komunitete thaj gažege, vi kana kadaja si jekh kontribucija ke aver inicijative romane kaj keren pes akana.

O sajekhipe maškar e genurja si te ovel jekh prioriteto ande kado akharipe, kadalake jekh paš andar e projekturja si te oven dine ke romane žuvlja vaj ke inicijative savende si šerutne romane žuvlja.

E aplikanturja šaj te keren aplikacija samo ke jekh kategorija.